




金鑑集



乙酉小春十五日從馮定遠攜錢子健較本對過一次子健
處取宋本較正者 是日記

温庭筠詞馮定遠云何慈公家有北宋本

為何生就取去散為輕煙矣

金荃集目錄

第一卷

一卷至七卷目錄
連列不分
別集另列

雞鳴埭曲 織錦詞 夜宴謠 蓮浦謠

郭處士擊甌歌 遐水謠 曉仙謠 錦城

曲 生襟屏風歌 嘲春風 舞衣曲 張

靜婉採蓮歌曲并序 湘宮人歌黃葉子歌 感篋歌 照

影曲 拂舞詞 太液池歌 羅場歌 雍

臺歌 吳苑行 常林歡歌 塞塞行 湖

陰詞并序 蔣侯神歌 漢皇迎春詞

金荃集目錄

卷一
終

金荃集卷第一

澤庭詩

東吳毛晉子晉訂

雞鳴埭曲

南朝天子射雉時
 銀河耿耿星參差
 銅壺漏斷夢初覺
 寶馬塵高人未知
 魚躍蓮東蕩宮沼
 濛濛御柳懸樓鳥
 紅粧萬戶鏡中春
 碧樹一聲天下曉
 盤踞勢窮三百年
 朱方殺氣成愁煙
 彗星拂地浪連海
 戰鼓渡江塵漲天
 繡龍畫雉填宮井
 野火風驅燒九鼎
 殿巢江燕砌生蒿
 十二金人霜炯炯
 芊綿

平綠臺城基暖色春容荒古陂寧知玉樹後庭曲
留待野棠如雪枝

織錦詞

丁東細漏侵瓊瑟影轉高梧月初出簇簇簇金梭萬
縷紅鴛鴦艷錦初成匹錦中百結皆同心藥亂雲
盤相間深此意欲傳傳不得玫瑰作柱朱絃瑟琴爲
君裁破合歡被星斗迢迢一作共千里象尺熏爐
未覺秋碧池已有新蓮子

夜宴謠

長釵墜髮雙蜻蜓碧盡山斜開畫屏虬鬚公子五
侯客一飲千鍾如建瓴鸞咽妬唱圓無節眉歛湘
煙袖迴雪清夜恩情四座同莫令溝水東西別亭
亭蠟淚香珠殘暗露曉風羅幕寒飄飄戟帶儼相
次二十四枝龍畫竿裂管縈絃共繁曲芳樽細浪
傾春醪高樓客散杏花多脉脉新蟾如瞪目

蓮浦謠

鳴橈軋軋溪溶溶廢綠平煙吳苑東水清蓮媚兩
相向鏡裏見愁愁更紅白馬金鞭大堤上西江日

夕多風浪荷心有露似驪珠不是真圓亦搖蕩

郭處士擊甌歌

佶粟金虬石潭古勺陂瀲灩幽脩語湘君寶馬上
神雲碎珮叢鈴滿煙雨吾聞三十六宮花離離軟
風吹春星斗稀玉晨冷磬破昏夢天露未乾香着
衣蘭釵委墜垂雲髮小響丁當逐迴雪晴碧煙滋
重疊山羅屏半掩桃花月太平天子駐雲車龍鑪
勃鬱雙蟠拏宮中近臣抱扇立侍女低鬟落翠花
亂珠觸續正跳蕩傾頭不覺金烏斜我亦爲君長

歎息緘情遠寄愁無色莫沾香夢綠楊絲千里春
風正無力

遐水謠

天兵九月渡遐水馬踏沙鳴驚雁起殺氣空高萬
里情塞寒如箭雙眸子狼煙堡上霜漫漫枯葉號
風天地乾犀帶鼠裘無暖色清光炯冷黃金鞍虜
塵如霧昏亭障隴首年年漢飛將麟閣無名期未
歸樓中思婦徒相望

曉仙謠

玉妃喚月歸海宮
月色澹白涵春空
銀河欲轉星
靨靨碧浪疊山埋
早紅宮花有露如新淚
小苑叢叢入寒翠
綺閣空傳唱漏聲
網軒天辨凌雲字
遙遙珠帳連湘煙
鶴扇如霜金骨仙
碧簫曲盡綵霞動
下視九州皆悄然
秦王女騎紅尾鳳
半空回首晨雞弄
霧蓋狂塵億兆家
世人猶作牽情夢

錦城曲

蜀山攢黛留晴雪
簾筍蕨芽縈九折
江風吹巧剪霞綃
花上千枝杜鵑血
杜鵑飛入巖下叢
夜叫思歸山月中
巴水漾情情不盡
文君織得春機紅
怨魄未歸芳艸死
江頭學種相思子
樹成寄與望鄉人
白帝荒城五千里

生襟屏風歌

玉墀暗接崑崙井
井上無人金索冷
畫壁陰森九子堂
階前細月鋪花影
繡屏銀鴨香
蒼濛天上夢歸花
繞叢宜男漫作後庭草
不似櫻桃千子紅

嘲春風

春風何處好
別殿饒芳草
苒弱轉鸞旗
萎蕤吹雉

葆揚芳歷九門澹蕩入蘭蓀爭奈白團扇時時偷
主恩

舞衣曲

藕腸纖縷抽輕春煙機漠漠嬌娥嚙金梭浙瀝透
空薄剪落交刀吹斷雲張家公子夜聞雨夜向蘭
堂思楚舞蟬衫麟帶壓愁香偷得鶯簧鑲金縷管
含蘭氣嬌語悲胡槽雪腕鴛鴦絲芙蓉力弱應難
定楊柳風多不自持迴嚙笑語西牕客星斗寥寥
波脉脉不逐秦王卷象牀滿樓明月梨花白

張靜婉採蓮歌

并序

靜婉羊倂妓也其容絕世倂自爲採蓮二
曲今樂府所存失其故意因歌以俟採詩
者事具載梁史

序不低書

蘭膏墜髮紅玉春燕釵拖頸拋盤雲城邊楊柳向
嬌晚門前溝水波粼粼麒麟公子朝天客珂一作珮
馬璫璫渡春陌掌中無力舞衣輕剪斷鮫綃破春
碧抱月飄煙一尺腰麝臍龍髓憐嬌饒秋羅拂水
碎光動露重花多香不銷鴻鵠交交一作膠膠塘水滿

綠芒如粟蓮莖短一夜西風送雨來粉痕零落愁
紅淺船頭折藕絲暗牽藕根蓮子相留連郎心似
月月未缺十五十六清光圓

湘宮人歌

池塘芳意濕夜半東風起生綠画羅屏金壺貯春
水黃粉楚宮人芳花玉刻鱗娟娟照碁燭不語兩
含嚙

感築歌

李相妓人吹

蠟煙如霧新蟾滿門外平沙草芽短黑頭丞相九

黃曇子歌

參差綠蒲短搖艷
雲一作塘滿紅蕖蕩
融鶯雨灘鷓暖兼
羊小坡路馬上脩蛾
懶羅衫烏向風粉
題金鷓卵

天歸夜聽飛瓊吹朔管情遠氣調蘭蕙薰天香瑞
彩含細縷皓然纖指都揭血日暖碧霄無片雲含
商咀徵雙幽咽軟縠疎羅共蕭屑不盡長圓疊翠
愁柳風吹破澄潭月鳴梭浙瀝金絲藥恨語殷勤
隴頭水漢將營前萬里沙更深一一霜鴻起十二
樓前花正繁交枝簇蒂連壁門景陽宮女正愁絕
莫使此聲催斷魂

照影曲

景陽粧罷瓊牕暖欲照澄明香步嬾橋上衣多抱

彩雲金鱗不動春塘滿黃印額山輕爲塵翠鱗紅
穉俱含嚙桃花百媚如欲語曾爲無雙今兩身

拂舞詞

黃河怒浪連天來大響肱肱如殷雷龍伯驅風不
敢上百川噴雪高崔嵬二十三絃何太哀請公勿
渡立徘徊下有狂蛟鋸爲尾裂帆截棹磨霜齒神
椎鑿石塞神潭白馬趨趨赤塵起公乎躍馬揚玉
鞭滅沒高蹄日千里

太液池歌

腥鮮龍氣連清防花風漾漾吹細光疊瀾不定照
天井倒影蕩搖晴翠長平碧淺春生綠塘雲容雨
態連青蒼夜深銀漢通栢梁二十八宿朝玉堂

雉場歌

菱葉萋萋接煙曙鷄鳴埭上梨花露彩仗鏘鏘已
合圍繡翎白頸遙相妬雕尾扇張金縷高碎鈴素
拂驪駒豪綠場紅跡未相接箭發銅牙傷彩毛麥
隴桑陰小山晚六虬歸去凝笳遠城頭却望幾含
情青畝春蕪連石苑

雍臺歌

太子池南樓百尺入牕新樹疎簾隔黃金鋪首画
鈎陳羽葆停僮拂交戟盤紆欄楯臨高臺殿帳臨
流鸞扇開早鴈驚鳴細波起映花鹵簿龍飛迴

吳苑行

錦雉雙飛梅結子平春遠綠牕中起吳江澹画水
連空三尺屏風隔千里小苑有門紅扇開天絲舞
蝶共徘徊綺戶雕楹長若此韶光歲歲如歸來

常林歡歌

宜城酒熟花覆橋沙晴綠鴨鳴咬咬濃桑繞舍麥
如尾幽軋鳴機雙燕巢馬聲特特荆門道蠻水揚
光色如草錦薦金鑪夢正長東家咿啞雞鳴早

塞寒行

燕弓弦勁霜封瓦樸藪寒鷗睇平野一點黃塵起
雁喧白龍堆下千蹄馬河源怒濁風如刀剪斷朔
雲天更高晚出榆關逐征北驚沙飛迸衝貂袍心
許凌煙名不滅年年錦字傷離別彩毫一画竟何
榮空使青樓淚成血

湖陰詞 并序

王敦舉兵至湖陰明帝微行視其營伍由
 是樂府有湖陰曲而亡其詞因作而附之
 祖龍黃鬚珊瑚鞭鐵驄金面青連錢虎髯拔劍欲
 成夢日壓賊營如血鮮海旗風急驚眠起甲重光
 搖照湖水蒼黃追騎塵外歸森索妖星陣前死五
 陵愁碧春萋萋灞川玉馬空中嘶羽書如電入青
 璫雪腕如槌催畫鞞白虬天子金煌鉉高臨帝座
 迴龍章吳波不動楚山晚花壓欄干春晝長

蔣侯神歌

楚神鐵馬金鳴珂夜動蛟潭生素波商風刮水報
 西帝廟前古樹蟠白虵吳王赤斧斫雲陣画堂列
 壁叢霜刃巫蛾傳意托悲絲鐸語琅琅理雙鬢湘
 煙刷翠湘山斜東方日出飛神鴉青雲自有黑龍
 子潘妃莫結丁香花

漢皇迎春詞

春草芊芊晴掃煙宮城大錦紅殷於閑反鮮海口初
 融照仙掌淮王小隊纓鈴響獵獵東風燄赤旗畫

神金甲蔥籠網鉅公步輦迎勾芒複道掃塵燕篲
長豹尾竿前趙飛燕柳風吹盡眉間黃碧草含情
杏花喜上林鷺轉遊絲起寶馬搖環萬騎歸恩光
暗入簾櫳裏

溫庭筠詩
金荃集卷第一 終

金荃集目錄

卷二

蘭塘詞 晚歸曲 故城曲 昆明池水戰
詞 謝公墅歌 罽魚歌 春洲曲 臺城
曉朝曲 走馬樓三更曲 達摩支曲 陽
春曲 湘東宴曲 東郊行 水仙謠 東
峯歌 會昌丙寅豐歲歌 碌碌古詞 春
野行 醉歌 江南曲 堂堂曲 惜春詞
春愁曲 蘇小小歌 春江花月夜詞

懊惱曲 三洲詞

金荃集目錄

卷三 終

金荃集卷第二

蘭塘詞

塘水汪汪鳧唼喋憶上江南木蘭檝繡頸金鬚蕩
 倒光團團皺綠雞頭葉露凝荷卷珠淨圓紫菱刺
 短浮根纏小姑歸晚紅粧淺鏡裏芙蓉照水鮮東
 溝瀟瀟勞迴首欲寄一杯瓊液酒知道無郎却有
 情長教月照相思柳

晚歸曲

格格水禽飛帶波孤光斜起夕陽多湖西山淺似

纏一作線

宋缺

相笑菱刺惹衣攢黛蛾青絲繫船向江水蘭芽出
土吳江曲水極晴搖泛灩紅草平春染煙綿綠玉
鞭騎馬楊叛兒刻金作鳳光參差丁丁暖漏滴花
影催入景陽人不知彎堤弱柳遙相矚雀扇團圓
掩香玉蓮塘艇子歸不歸柳暗桑穠聞布穀

故城曲

漠漠沙堤煙堤西雉子斑雉聲何角角麥秀桑陰
閑遊絲蕩平綠明滅時相續白馬金絡頭東風故
城曲故城殷殷貴嬪曾占未來春自從香骨化飛作

馬蹄塵

昆明池水戰詞

汪汪積水光連空重疊細紋晴激紅赤帝龍孫鮮
甲怒臨流一時生陰風鼉鼓三聲報天子雕旌獸
艦凌波起雷吼濤驚白石山石鯨眼裂蟠蛟死溟
池海浦俱喧厯青幟白旌相次來箭羽槍纓三百
萬踏翻西海生塵埃茂陵仙去菱花老唼唼遊魚
近煙島渺莽殘陽釣艇歸綠頭江鴨眠沙草

謝公墅歌

朱雀航南繞香陌謝郎東墅連春碧鳩眠高柳日
方融綺榭飄飄紫庭客文楸方罨花參差心陣未
成星滿池四座無喧梧竹靜金蟬玉柄俱持願對
局含情見千里都城已得長蛇尾江南王氣繫疎
襟未許符堅過淮水

罩魚歌

雜言

朝罩罩城南暮罩罩城西兩漿鳴幽幽蓮子相高
低持罩入深水金鱗大如手魚尾迸圓波千珠落
細藕風颼颼雨離離菱尖刺鷓鴣飛水連網眼白
如影浙瀝蓬聲寒點微楚岫有花花蓋屋金塘柳
色前溪曲悠溶悠杳若去無窮五色澄潭鴨頭綠

春洲曲

韶光染色如蛾翠綠濕紅鮮水容媚蘇小慵多蘭
渚閑融融浦日鷓鴣窳紫騮蹀躞金銜嘶岸上揚
鞭煙草迷門外平橋連柳堤歸來晚樹黃鶯啼

臺城曉朝曲

司馬門前火千炬闌干星斗天將曙朱網龕鬢丞
相車曉隨疊鼓朝天去博山鏡樹香芊芊裏裏浮

航金畫龍大江歛勢避辰極兩闕深嚴煙翠濃

走馬樓三更曲

春姿暖氣昏神沼李樹拳枝紫芽小玉皇夜入未央宮長火千條照棲鳥馬過平橋通畫堂虎幡龍戟風飄揚簾間清唱報寒點丙舍無人遺燼香

達摩支曲

雜言

擣麝成塵香不滅拗蓮作寸絲難絕紅淚文姬洛水春白頭蘇武天山雪君不見無愁高緯花漫漫漳浦晏餘清露寒一旦臣僚共囚虜欲吹羌管先沈瀾舊臣頭髮霜華早可惜雄心醉中老萬古春歸夢不歸鄴城風雨連天草

陽春曲

雲母空牕曉煙薄香昏龍氣凝輝閣霏霏霧雨杏花天簾外春威着羅幕曲欄伏檻金麒麟沙苑芳郊連翠茵廐馬何能嚙芳草路人不敢隨流塵

湘東宴曲

湘東夜宴金貂人楚女含情嬌翠頰玉管將吹插鈿帶錦囊斜拂雙麒麟重城漏斷孤帆去唯恐瓊

籥報天曙萬戶沉沉碧樹圓雲飛雨散知何處欲
上香車俱脉脉清歌響斷銀屏隔堤外紅塵蠟一作
蜜炬歸樓前澹月連江白

東郊行

鬪鷄臺下東西道柳覆班駝蝶繁草塊靄韶容鑱
澹愁青筐葉盡蠶應老綠渚幽香生白蘋差差小
浪吹魚鱗王孫騎馬有歸意林彩着空如細塵安
得人生各相守燒船破棧休馳走世上方應無別
離路傍更長千枝柳

水仙謠

水客夜騎紅鯉魚赤鸞雙鶴蓬瀛書輕塵不起雨
新霽萬里孤光含碧虛露魄冠輕見雲髮寒絲七
炷香泉咽夜深天碧亂山姿光碎平波滿船月

東峯歌

錦礫潺湲玉溪水曉來微雨藤花紫冉冉山雞紅
尾長一聲樵斧驚飛起松刺流空石差齒煙香風
軟人參藥陽崖一夢伴雲根仙菌靈芝夢魂裏

會昌丙寅豐歲歌

雜言

丙寅歲休牛馬風如吹煙日如渥赭九重天子調
 天下春綠將年到西野西野翁生兒童門前好樹青芊
 茸芊茸單衣麥田路村南娶婦桃花紅新姑車右
 及門柱粉項韓憑雙扇中喜氣自能成歲豐農祥
 爾物來爭功

碌碌古詞

左亦不碌碌右亦不碌碌野草自根肥羸牛生健
 犢融蠟作杏蒂男兒不戀家春風破紅意女頰如
 桃花忠言未見信巧語翻咨嗟一鞘無一作沒兩刃

一作徒勞油壁車

春野行 雜言

草淺淺春如剪花壓李娘愁飢蠶欲成蠶東城少
 年氣堂堂金丸驚起雙鴛鴦含羞更問衛公子月
 到枕前春夢長

醉歌

簷柳初黃燕新乳曉碧芊綿過微雨樹色深含臺
 榭情鶯聲巧作煙花主錦袍公子陳盃觴撥醅百
 甕春酒香入門下馬問誰在降階握手登華堂臨

邛美人連山眉低抱琵琶含怨思朔風繞指我先
 笑明月入懷君自知勸君莫惜金樽酒年少須臾
 如覆手辛勤到老慕簞瓢於我悠悠竟何有洛陽
 盧仝一作生稱文房妻子脚秃春黃糧阿耆光顏不
 識字指麾豪雋如驅羊天犀壓斷朱鸞鼠瑞錦驚
 飛金鳳凰其餘豈足霑牙齒欲用何能報天子駑
 馬垂頭槍暝塵驂騶一日行千里但有沈冥醉客
 家支頤瞪目持流霞唯恐南園風雨落碧蕪狼籍
 棠梨花

江南曲 五言

妾家白蘋浦日上芙蓉檝軋軋搖漿聲移舟入茭
 葉溪長菱葉深作底難相尋避郎郎不見鷓鴣自
 浮沉拾萍萍無根採蓮蓮有子不作浮萍生寧爲
 藕花死岸傍騎馬郎烏帽紫遊韁含愁復含笑迴
 首問橫塘妾住金陵浦門前朱雀航流蘇持作帳
 芙蓉持作梁出入金犢幘兄弟侍中郎前年學歌
 舞定得郎相許連娟眉繞山依約腰如柳鳳管悲
 若咽鸞紗嬌欲語扇薄露紅鉛羅輕壓金縷明月

西南樓珠簾玳瑁鈎橫波巧能笑鸞蛾不識愁花
開子留樹草長根依土蚤聞金溝遠底事歸郎許
不學楊花白一作閨中婦朝朝淚如雨

堂堂曲

錢塘岸上春如織森森寒潮帶晴色淮南遊客馬
連嘶碧草迷人歸不得風飄客意如吹煙纖指殷
勤傷鴈絃一曲堂堂紅燭筵長金鯨瀉酒如飛泉

惜春詞

百舌問花花不語低迴似恨橫塘雨蜂爭粉藥蝶

分香不似垂楊惜金縷願君留得長妖韞莫逐東
風還蕩搖秦女含嚔向煙月愁紅帶露空迢迢一作

寥寥

春愁曲

紅絲穿露珠簾冷百尺啞啞下纖縷遠翠愁山入
臥屏兩重雲母空烘影涼簪墜髮春眠重玉兔焜
氤柳如夢錦疊空牀委墜紅颺颺掃尾雙金鳳蜂
喧蝶駐俱一作戲悠揚柳拂赤欄纖草長覺後梨花
委平綠春風和雨吹池塘

蘇小小歌

買蓮莫破券買酒莫解金酒裏春容抱離恨水中
蓮子懷芳心吳宮女兒腰似束家在錢塘小江曲
一自檀郎逐便風門前春水年年綠

春江花月夜詞

玉樹歌闌海雲黑花庭忽作青蕪國秦淮有水水
無情還向金陵漾春色楊家二世安九重不御華
芝嫌六龍百幅錦帆風力滿連天展盡金芙蓉珠
翠丁星復明滅龍頭劈浪哀笳發千里涵空澄水

魂萬枝破鼻飄香雪漏轉霞高滄海西玻璃枕上
聞天鷄蠻絃代寫曲如語一醉昏昏天下迷四方
傾動煙塵起猶在濃香夢魂裏後主荒宮有曉鶯
飛來只隔西江水

懊惱曲

藕絲作線難勝針藥粉染黃那得深玉白蘭芳不
相顧青樓一笑輕千金莫言自古皆如此健

一作紅侶

劍刺鐘鉛繞指三秋庭綠盡迎霜惟有荷花守紅
死廬江小吏朱斑輪柳縷吐芽香玉春兩股

一作西

金釵已相許不令獨作空成塵悠悠楚水流如馬
恨紫愁紅滿平野野土千年怨不平至今燒作鴛
鴦瓦

三洲詞

團圓莫作波中月潔白莫為枝上雪月隨波動碎
潸潸雪似梅花不堪折李娘十六青絲髮画帶雙
花為君結門前有路輕別離唯恐歸來舊香滅

金荃集卷第二 終

金荃集目錄

第三卷

春曉曲 獵騎 西州詞 燒歌 長安寺

和沈參軍招友生觀芙蓉池 寓懷 觀

蘭作 并序 秋日 七夕 酬友人 觀舞妓

邊笳曲 經西塢偶題 金虎臺 俠客

行 詠曉 芙蓉 勅勒歌塞北 邯鄲郭

公詞 古意 齊宮詞 春日 詠春幡 陳

宮詞 春日野行 詠嘯 中書令裴公挽

歌詞

首二

唐莊恪太子挽歌詞

首二

秘書劉

尚書挽歌詞

首二

太子池

首二

西嶺道士茶

歌 過西堡塞北

金荃集目錄

卷三終

金荃集卷第三

春曉曲

家臨長信往來道乳燕雙雙拂煙草油壁車輕金
犢肥流蘇帳曉春鷄早籠中嬌鳥暖猶睡簾外落
花閑不掃衰桃一樹近前池似惜紅顏鏡中老

獵騎

早辭平展殿夕奉湘南宴香兔抱微煙重鱗疊輕
扇蠶飢使君馬鴈避將軍箭寶柱惜離絃流黃悲
赤縣理釵低舞鬢換袖迴歌面晚柳未如絲春花

已如霰所嗟故里曲不及青樓宴

西州詞

吳聲

悠悠復悠悠昨日下西州西州風色好遙見武昌樓
樓武昌何鬱鬱儂家定無疋小婦被流黃登樓撫
瑤瑟朱絃繁復輕素手直淒清一彈三四解掩抑
似含情南樓登且望西江廣復平艇子搖兩槳催
過石頭城門前烏柏樹慘澹天將曙鷓鴣飛復還
郎隨早帆去迴頭語同伴定復負情儂去帆不安
幅作抵使西風他日相尋索莫作西州客西州人
不歸春草年年碧

燒歌

起來望南山山火燒山田微紅夕如滅短焰復相
連差差向巖石冉冉凌青壁低隨迴風盡遠照簷
茅赤隣翁能楚言倚錡欲潛然自言楚越俗燒畝
爲早田豆苗蟲促促籬上花當屋廢棧豕歸欄廣
場雞啄粟新年春雨晴處處賽神聲持錢就人卜
敲瓦隔林鳴卜得山上一作卦歸來桑棗下吹火
向白茅一作腰鑱映蘋蘩風驅榭葉煙榭樹連平

山迸星拂霞外飛燼落堦前仰面呻復嚏鴉娘呪
豐歲誰知蒼翠容盡作官家稅

長安寺

仁祠寫露宮長安佳氣濃煙樹含葱蒨金刹映茸
茸繡戶香焚象珠網玉盤龍寶題斜翡翠天井倒
芙蓉幡長迴遠吹牕虛含曉風遊騎迷青鎖歸鳥
思華鍾雲拱承跼邏羽葆背花重所嗟蓮社客輕
蕩不相從

和沈參軍招友生觀芙蓉池

桂棟坐清曉瑤琴商鳳絲況聞楚澤香適與秋風
期遂從棹萍客靜嘯煙草湄倒影迴澹蕩愁紅媚
漣漪湘莖久鮮澁宿雨增離披而我江海意楚遊
動夢思北渚水雲蘩南塘煙霧枝豈亡臺榭芳獨
與鷗鳥知珠墜魚迸淺影多鳧泛遲落英不可攀
返照昏澄陂

寓懷

誠足不顧得妄矜徒有言語斯諒未盡隱顯何悠
然洵彼都邑盛眷惟車馬喧自期尊客卿非意干

王孫銜知有^真爵處實非厚顏苟無海岱氣奚取
壺漿恩唯絲南山楊適我松菊香鵬鷗誠未憶誰
謂凌風翔

觀蘭作 并序

余自昔西濱得蘭數本移藝於庭亦既逾
歲而芄然蕃殖自余遊者未始以芳草爲
遇矣因悲夫物有^變厭常而反^正不若混然者
有之焉遂寄情於此

寓賞本殊致意幽非我情吾常有流淺外物無重
輕各言藝幽深彼美香素莖豈爲賞者設自保孤
根生易地無赤株麗土亦同榮賞際林壑近泛餘
煙露清余懷旣鬱陶爾類徒縱橫妍蚩苟不信寵
辱何爲驚^真貞隱諒無迹激時猶揀名幽叢靄綠畹
豈必懷歸耕

秋日

爽氣變昏旦神臯遍原隰煙華久蕩搖石澗仍清
急柳闇山大吠蒲流水禽立菊花明欲迷棗葉光
如濕天籟思林嶺車塵倦都邑壽張夙所違悔悵

何由入芳草秋可藉幽泉曉堪汲牧羊燒外鳴林
果雨中拾復此遂閑曠翛然脫羈繫田收鳥雀喧
氣肅龍蛇蟄佳節足豐穰良朋阻遊集沉機日寂
寥葆素常呼吸投迹倦攸往放懷志所執良時有
東菑吾將事蓑笠

七夕

鳴機札札停金梭芙蓉澹蕩生池波神軒紅粉陳
香羅鳳低蟬薄愁雙蛾微光弈弈凌天河鸞咽鶴
唳飄颻歌彎橋銷盡愁奈何天氣駘蕩雲陂陔平
明花木有愁意露濕綵盤蛛網多

酬友人

辭榮亦素尚倦遊非夙心寧復思金籍獨此臥煙
林閑雲無定貌佳樹有餘陰坐久芰荷發釣闌菱
葦深游魚自搖漾浴鳥故浮沉唯君清露夕一爲
灑煩襟

觀舞妓

朔音悲嘒管瑤踏動芳塵總袖時增怨聽破復含
頻凝腰倚風軟花題照錦春朱絃固淒緊瓊樹亦

迷人

邊笳曲

朔管迎秋動雕音鴈來早上郡隱黃雲天山吹白
草嘶馬悲寒磧朝陽照霜堡江南戍客心門外芙
蓉老

經西塢偶題

搖搖弱柳黃鸝啼芳草無情人自迷日影明滅金
色鯉杏花唼喋青頭鷄微紅捺帶惹蜂粉潔白芹
芽穿燕泥借問含顰向何事昔年曾到武陵溪

金虎臺

碧草連金虎青苔蔽石麟皓齒芳塵起纖腰玉樹
春倚瑟紅鉛濕分香翠黛顰誰言奉陵寢相顧復
沾巾

俠客行

欲出鴻都門陰雲蔽城闕寶劍黯如水微紅濕餘
血白馬夜頻驚三更灞陵雪

詠曉

蟲歇紗牕靜鴉散碧梧寒稍驚朝珮動猶傳清漏

飛雅
六
殘亂珠凝燭淚微紅上露盤褰衣復理鬢餘潤拂
芝蘭

芙蓉

刺莖澹蕩碧花片參差紅吳歌秋水冷湘廟夜雲
空濃艷香露裏美人清鏡中南樓未歸客一夕練
塘東

勅勒歌塞北

勅勒金幘壁陰山無歲華帳外風飄雪營前月照
沙羌兒吹玉管胡姬踏錦花却笑江南客梅落不

歸家

邯鄲郭公祠

金笳悲故曲玉座積深塵言是邯鄲伎不見鄴城
人青苔竟埋骨紅粉自傷神唯有涿河柳還向舊
營春

古意

莫莫復莫莫絲蘿綠澗壑散木無斧斤纖莖得依
託枝低浴鳥歇根靜懸泉落不慮見春遲空傷致
身錯

齊宮

白馬雜金飾言從雕輦迴粉香隨笑度鬢態伴愁
來遠水斜如剪青莎綠似裁所恨章華日冉冉下
層臺

春日

柳暗杏花稀梅梁乳燕飛美人鸞鏡笑嘶馬鴈門
歸楚宮雲影薄臺城心賞違從來千里恨邊色滿
戎衣戎別作戎

詠春幡

閑庭見早梅花影為誰裁碧煙隨刃落蟬鬢覽春
來戎代郡嘶金勒毳聲悲鏡臺玉釵風不定香步獨

徘徊戎別作代梵聲別作河陽

陳宮詞

鷄鳴人草草香輦出宮花妓語細腰轉馬嘶金面
斜早鶯隨綵仗驚雉避疑笳浙瀝湘風外紅輪映
曙霞

春日野行

騎馬踏煙莎青春奈怨何蝶翎朝一作胡粉盡鴉背

夕陽多柳艷欺芳帶山愁縈翠蛾別情無處說方寸是星河

詠頌

毛羽歛愁翠黛嬌攢艷春恨容偏落淚低態定思人枕上夢隨月扇邊歌繞塵玉鈎鸞不住波淺石磷磷

中書令裴公挽歌詞 二首

王儉風華首蕭何社稷臣丹陽布衣客蓮渚白頭人銘勒燕山暮碑沉漢水春從今虛醉飽無復汚

車茵

又

箭下妖星落風前殺氣迴國香荀令去樓月庾公來玉璽終無慮金滕竟不開空嗟薦賢路芳草滿燕臺

唐莊恪太子挽歌詞 二首

疊鼓辭宮殿悲笳降杳冥影離雲外日光滅火前星艱客瞻秦苑商公下漢庭依依陵樹色空繞古原青

又

東府虛容衛西園寄夢思鳳懸吹曲夜雞斷問安
時塵陌都人恨霜郊賄馬悲唯餘埋璧地煙草近
丹墀

祕書劉尚書挽歌詞 二首

王筆活鸞鳳謝詩生芙蓉學筵開絳帳談柄發洪
鐘粉署見飛鵬玉山猜臥龍遺風麗清韻蕭散九
原松

又

塵尾近良玉鶴裘吹素絲壞陵殷浩謫春墅謝安
棊京口賈公子襄陽諸女兒折花兼踏月多唱柳
郎詞

太子池 二首

梨花雪壓枝鶯囀柳如絲嬾逐粧成曉春融夢覺
遲鬢輕全作影頰淺未成眉莫信張公子牕間斷
暗期

又

花紅蘭紫莖愁草雨新晴柳占三春色鶯偷百鳥

聲日長嫌輦重風暖覺衣輕薄暮香塵起長楊落
照明

西嶺道士茶歌

乳竇濺濺通石脉綠塵愁草春江色澗花入井水
味香山月當人松影直仙翁白扇霜鳥翎拂壇夜
讀黃庭經疎香皓齒有餘味更覺鶴心通杳冥

過西堡塞北

淺草乾河濶叢棘廢城高白馬犀七首黑裘金佩
刀霜清徹兔目風急吹鷗毛一經何用厄日暮涕

沾袍

溫庭筠詩
金荃集卷第三 終

金荃集目錄

卷第四

送李億東歸 言 開聖寺 贈蜀將 西江貽

釣叟騫生 寄清源寺僧 重遊圭峯宗密

禪師精廬 題李處士幽居 利州南渡

贈李將軍 寒食日作 饒李羽處士寄新醞

走筆戲酬 郊居秋日有懷一二知己 題

友人池亭 南湖 贈袁司錄 題西明寺

僧院 偶題 寄湘陰閻少府乞釣輪子

哭王元裕 法雲雙檜 送陳嘏之侯官兼

簡李常侍 春日野行 溪上行 上翰林

蕭舍人 春日偶作 春暮宴罷寄宋壽先

輩 馬嵬驛 和道溪君別業 奉天西佛

寺 題望苑驛 寄分司元庶子兼呈元處

士 題柳 和友人陣亡李羽處士故里 寄河南杜少尹 贈知

音 過陳琳墓 題崔公池亭舊遊 回中

作 西江上送漁父 經故祕書崔監揚州

舊居 七夕 題韋籌博士草堂 和友人

題壁 春日將欲東歸寄新及第苗紳先輩

經李徵君故居 送崔郎中赴幕 經舊

遊 老君廟 過五丈原 和友人傷歌姬

山中與道友夜坐聞邊防不寧因示同志

秘書省有賀監知章題詩筆力適健風尚

高遠拂塵尋玩因此有作 題裴晉公林亭

金荃集目錄 卷四終

金荃集卷第四

送李億東歸 六言

黃山遠隔秦樹紫禁斜通渭城別路青青柳弱前
溪漠漠苔生和風澹蕩歸客落日殷勤早鶯灞上
金樽未飲讌歌已有餘聲

開聖寺

路分礮石夾煙叢十里蕭蕭古樹風出寺馬嘶秋
色裏向陵鴉亂夕陽中竹間泉落山厨靜塔下僧
歸影殿空猶有南朝舊碑在恥將興廢問休公

贈蜀將

蠻人成都頗著功勞

十年分散劔關秋萬事皆隨錦水流心氣已曾明
漢節功名猶自滯吳鈞鵬邊認箭寒雲重馬上聽
笳塞草愁今日逢君倍惆悵灌嬰韓信盡封侯

西江貽釣叟騫生

晴江如鏡月如鈎泛灩蒼茫送客愁夜淚潛生竹
枝曲春朝一作灘遙上木蘭舟事隨雲去身難到夢
逐煙銷水自流昨日歡娛竟何在一枝梅謝楚江
頭

寄清源寺僧

石路無塵竹徑開昔年曾伴戴顓來牕間半偈聞
鐘後松下殘碁送客迴簾向玉峯藏夜雪砌因藍
水長秋苔白蓮社裏如相問為說遊人是姓雷

重遊圭峯宗密禪師精廬

一作哭廬處士

百尺青崖三尺墳微言已絕杳難聞戴顓今日稱
居士支遁他年識領軍暫對杉松如結社偶同麋
鹿自成群故山弟子空迴首葱嶺唯應見宋雲用達摩事
題李處士幽居

水玉簪頭白角巾
瑤琴寂歷拂輕塵
濃陰似帳紅薇晚
細雨如煙碧草春
隔竹見籠疑有鶴
捲簾看画靜無人
南山自是忘年友
谷口徒稱鄭子真

利州南渡

澹然空水對斜暉
曲島蒼茫接翠微
波上馬嘶看棹去
柳邊人歇待船歸
數叢沙草群鷗散
萬頃江田一鷺飛
誰解乘舟尋范蠡
五湖煙水獨忘機

贈李將軍

誰言荀美愛功勳
年少登壇衆所聞
曾以能書稱

內史又因明易號
將軍金溝故事春
長在玉軸遺

文火半焚不學龍
驤画山水一作色醉鄉無跡似閑

雲

寒食日作

紅深綠暗逕相交
抱暖含芳披紫袍
綵索平時牆婉婉
輕毬落處花寥梢
牕中草色妬鷄卵
盤上芹泥憎燕巢
自有玉樓春意在
不能騎馬度煙郊

李羽處士寄新醞走筆戲酬

高談有伴還成藪
沉醉無期卽是鄉
已恨流鶯欺

謝客更將浮蟻與劉郎
簷前柳色分張綠
窗外花枝借助香
所恨玳筵紅燭夜
草玄寥落近迴塘

郊居秋日有懷一二知己

稻田鳧雁滿晴沙
釣渚歸來一逕斜
門帶果林招邑吏
井分蔬圃屬隣家
臯原寂歷垂禾穗
桑竹參差映豆花
自笑謾懷經濟策
不將心事許煙霞

題友人池亭

月榭風亭繞曲池
粉垣迴牙瓦參差
侵簾片白搖翻影
落鏡愁紅寫倒枝
鷓鴣刷毛花蕩漾
鷺鷥拳

足雪離披山翁醉後如相憶
羽扇清樽我自知

南湖

湖上微風入檻涼
翻翻菱荇滿迴塘
野船着岸僂春草
水鳥帶波飛夕陽
蘆葉有聲疑霧雨
浪花無際似瀟湘
飄然蓬艇東歸客
盡日相看憶楚鄉

贈袁司錄

卽丞相淮陽公之猶子與庭筠有舊也

一朝辭滿有心期
花發楊園雪壓枝
劉尹故人諳往事
謝郎諸弟得新知
金釵醉就胡姬画
玉管閒留洛客吹
記得襄陽耆舊語
不堪風景峴山碑

題西明寺僧院

曾識匡山遠法師
低松片石對前墀
爲尋名畫來過院
因訪閑人得看碁
新雁參差雲碧處
寒鴉遼亂葉紅時
自知終有張華識
不向滄洲理釣絲

偶題

微風和暖日鮮明
草色迷人向渭城
吳客捲簾閑不語
楚娥攀樹獨含情
紅垂果蒂櫻桃重
黃染花叢蝶粉輕
自恨青樓無近信
不將心事許卿卿

寄湘陰閣少府乞釣輪子

釣輪形與月輪同
獨繭和煙影似空
若向三湘逢雁信
莫辭千里寄漁翁
蓬聲夜滴松江雨
菱葉秋傳鏡水風
終日垂鈎還有意
尺書多在錦鱗中

哭王元裕

聞說蕭郎逐逝川
伯牙因此絕清絃
柳邊猶憶青驄影
墳上俄生碧草煙
篋裏詩書疑謝後
夢中風貌似潘前
他時若到相尋處
碧樹紅樓自宛然

法雲雙檜

晉朝名輩此離群
想對濃陰去住分
題處尚尋王

內史畫時應是顧將軍長廊夜靜聲疑雨古殿秋
深影勝雲一下南臺到人世曉泉清籟更難聞

送陳嘏之侯官兼簡李常侍

縱得步兵無綠蟻不緣勾漏有丹砂殷勤爲報同
袍友我亦無心似海槎查春服照塵連草色夜船聞
雨滴蘆花梅仙自是青雲客莫羨相如却到家

春日野行

雨漲西塘金堤斜碧草芊芊晴吐芽野岸明媚山
芍藥水田叫噪官蝦蟇鏡中有浪動菱蔓陌上無
風飄柳花何事輕橈句溪客綠萍方好不歸家

溪上行

綠塘漾漾煙濛濛張翰此來情不窮雪羽襪襪立
倒影金鱗撥刺跳晴空風翻荷葉一向白雨濕蓼
花千穗紅心羨夕陽波上客片時歸夢釣船中

上翰林蕭舍人

人間鷓鴣杏難從獨恨金扉直九重萬象晚歸仁
壽鏡百花春隔景陽鐘紫薇芒動詞初出紅燭香
殘誥未封每過朱門愛庭樹一枝何日許相容

春日偶作

西園一曲艷陽歌
擾擾車塵負薜蘿
自欲放懷猶未得
不知經世竟如何
夜聞猛雨判花盡
寒戀重裘覺夢多
釣渚別來應更好
春風還爲起微波

春暮宴罷寄宋壽先輩

斜掩朱門花外鐘
曉鶯時節好相逢
牕間桃蘂宿粧在
雨後牡丹春睡濃
蘇小風姿迷下蔡
馬卿才調似臨邛
誰憐芳草生三徑
參佐橋西陸士龍

馬嵬驛

穆滿曾爲物外遊
六龍經此暫淹留
返魂無驗青煙滅
埋血空生碧草愁
香輦却歸長樂殿
曉鐘還下景陽樓
甘泉不復重相見
誰道文成是故侯

知道溪君別業

積潤初銷碧草新
鳳陽晴日帶雕輪
風飄弱柳平橋晚
雪點寒梅小院春
屏上樓臺陳後主
鏡中金翠李夫人
花房透露紅珠落
蛺蝶雙飛護粉塵

奉天西佛寺

憶昔狂童犯順年
玉虬閑暇出甘泉
宗臣欲舞千

釣劍追騎猶觀七寶鞭
星背紫垣終掃地日歸黃
道却當天至今南頓諸耆舊
猶指榛蕪作弄田

題望苑驛

東馬嵬西
端正樹

弱柳千條杏一枝
半含春雨半垂絲
景陽寒井人難到
長樂晨鐘鳥自知
花影至今通博望
樹名從此號相思
分明十二樓前月
不向西陵照盛姬

寄分司元庶子兼呈元處士

閉門高臥莫長嗟
水木凝暉屬謝家
緱嶺參差殘曉雪
洛波清淺露晴沙
劉公春盡蕪菁色
華廐愁

多深首藉花月榭
知君還悵望碧霄煙
濶雁行斜

愁深

一作
愁多

題柳

楊柳千條拂面絲
綠烟金穗不勝吹
香隨靜婉歌塵起
影伴嬌饒舞袖垂
羌管一聲何處曲
流鶯百轉最高枝
千門九陌花如雪
飛過宮牆兩自知

和友人悼亡

玉貌潘郎淚滿衣
画羅輕鬢兩霏微
紅蘭委露愁難盡
白馬朝天望不歸
寶鏡塵昏鸞影在
細箏絃

斷雁行稀春風幾許傷情事碧草侵堦粉蝶飛

李羽處士故里

柳不成絲草帶烟海槎東去鶴歸天愁腸斷處春
何限病眼開時月正圓花若有情還悵望水應無
事莫潺湲終知此恨銷難盡辜負南華第一篇

却經商山寄昔同行友人

曾道逍遙第一篇爾來無處不恬然便同南郭能
忘象兼笑東林學坐禪人事轉新花爛熳客程依
舊水潺湲若教猶作當時意應有垂絲在鬢邊

池塘七夕

月出西南露氣秋綺羅河漢在斜溝楊家繡作鴛
鴦幔張氏金爲翡翠鉤香燭有花妨宿燕画屏無
睡待牽牛萬家砧杵三篙水一夕橫塘似舊遊

偶遊

曲巷斜臨一水間小門終日不開關紅珠斗帳櫻
桃熟金尾屏風孔雀閑雲髻幾迷芳草蝶額黃無
限夕陽山與君便是鴛鴦侶休向人間覓往還

寄河南杜少尹

十載歸來鬢未凋
玳簪珠履見常僚
豈關名利分
榮路自有才華作
慶霄鳥影參差經
上苑騎聲相

續過中橋夕陽亭畔山如画
應念田歌正寂寥

一作

斷續

贈知音

翠羽花冠碧樹雞
未明先向短牆啼
牕間謝女青蛾歛
門外蕭郎白馬嘶
星漢漸移庭竹影
露珠猶綴野花迷
景陽宮裏鐘初動
不語垂鞭上柳堤

過陳琳墓

曾於青史見遺文
今日飄蓬過古墳
詞客有靈應識我
霸才無主始憐君
石麟埋沒藏春草
銅雀荒涼對暮雲
莫怪臨風倍惆悵
欲將書劔學從軍

題崔公池亭舊遊

皎鏡芳塘菡萏秋
此來重見採蓮舟
誰能不逐當年樂
還恐添成異日愁
紅艷影多風嫋嫋
碧空雲斷水悠悠
簷前依舊青山色
盡日無人獨上樓

回中作

蒼莽寒空遠色愁
嗚嗚戍角上高樓
吳姬怨思吹

雙管燕客悲歌別五侯千里關山邊草暮一星烽
火朔雲秋夜來霜重西風起隴水無聲凍不流

西江上送漁父

却逐嚴光向若耶釣輪菱棹寄年華三秋梅雨愁
楓葉一夜篷舟宿葦花不見水雲應有夢偶隨鷗
鳥便成家白蘋風起樓船暮江燕雙雙五兩斜

經故祕書崔監揚州南塘舊居

昔年曾識范安成松竹風姿鶴性情西掖曙河橫
漏響北山秋月照江聲乘舟覓吏經輿縣爲酒求

官得步兵千頃水流通故墅至今留得謝公名

七夕

鵲歸燕去兩悠悠青瑣西南月似鈎天上歲時星
右轉世間離別水東流金風入樹千門夜銀漢橫
空萬象秋蘇小橫塘通桂楫未應清淺隔牽牛

題韋籌博士草堂

玄晏先生已白頭不隨鷓鴣狎群鷗元卿謝免開
三徑平仲朝歸臥一裘醉後獨知殷甲子病來猶
作晉春秋滄浪未濯塵纓在一作塵纓未濯今如此野水無

情處處流

和友人題壁

冲尚猶來出範圍肯將經世作風徽
三台位缺嚴陵臥百戰功高范蠡歸
自欲一鳴驚鶴寢不應孤憤學牛衣
西州未有看棋暇澗戶何由得掩扉

春日將欲東歸寄新及第苗紳先輩

幾年辛苦與君同得喪悲歡盡是空
猶喜故人先折桂自憐羈客尚飄蓬
三春月照千山道十日花開一夜風
知有杏園無路入馬前惆悵滿枝紅

經李徵君故居

露濃煙重草萋萋樹映欄干柳拂堤
一院落花無客醉五更殘月有鶯啼
芳筵想像情難盡故榭荒涼路已迷
惆悵羸驂往來慣每經門巷亦長嘶

送崔郎中赴幕

一別黔巫似斷絃故交東去更悽然
心遊目送三千里雨散雲飛二十年
發跡豈勞天上桂屬詞還得幕中蓮
相思休話長安遠江月隨人處處圓

經舊遊

珠箔金鈎對綵橋昔年於此見嬌饒香燈悵望飛
瓊鬢涼月慙勤碧玉簫屏倚故牕山六扇柳垂寒
砌露千條壞牆經雨蒼苔遍拾得當時舊翠翹

老君廟

紫氣氤氳捧半巖蓮峯仙掌共巉巖廟前晚色連
寒水天外斜陽帶遠帆百二關山扶玉座五千文
字闕瑤緘自憐金骨無人識知有飛龜在石函

過五丈原

鐵馬雲鵬久絕塵柳陰高壓漢營春天晴殺氣屯

關右夜半妖星照渭濱下國臥龍空誤主中原逐

鹿不因

一作由

人象牀錦

一作寶

帳無言語從此譙周

是老臣

一作舊臣

和友人傷歌姬

月缺花殘莫愴然花須終發月終圓更能何事銷
芳念亦有濃華委逝川一曲艷歌留婉轉九原春
草妬嬋娟王孫莫學多情客自古多情損少年

山中與諸道友夜坐聞邊防不寧因示同志

龍砂鐵馬犯煙塵跡近群鷗意倍親風卷蓬根屯

戊巳月移松影守庚申韜鈴豈足爲經濟巖壑何
嘗是隱淪心許故人知此意古來知者竟誰人

秘書省有賀監知章題詩筆力邁健風尚高
遠拂塵尋玩因有此作

越溪漁客賀知章任達憐才愛酒狂鷓鴣葦花隨
釣艇蛤蜊菰菜夢橫塘幾年涼月拘華省一宿秋
風憶故鄉榮路脫身終自得福庭迴首莫相忘出
籠鸞鶴歸遼海落筆龍蛇滿壞牆李白死來無醉
客可憐神彩弔殘陽

題裴晉公林亭

謝傅林亭暑氣微山丘零落閔音微東山終爲蒼
生起南浦虛言白首歸池鳳已傳春水浴渚禽猶
滯夕陽飛悠然到此忘情處一日何妨有萬機

金荃集卷第四 終

溫庭筠詩

金荃集目錄

卷五 第卷

車駕西遊因而有作 傷溫德彝 贈少年

贈鄭徵君家匡山首春與丞相贊皇公遊

贈鄭徵君

止 夏中病疔作 題友人居 題李相公

勅賜錦屏風 蔡中郎墳 元處士池上

華陰韋氏林亭 寄裴生乞釣釣 長安春

晚 二首 三月中作 首 三月十八日雪中作 咸陽值雨

彈箏人 瑤瑟怨 題端正樹 渭上題 三首

經故翰林袁學士居 題成南杜郊公林

亭 夜看牡丹 宿城南亡友別墅 過分

水嶺 鄠杜郊居 題河中紫極宮 四皓

贈張鍊師

金荃集目錄 卷五 終

金荃集卷第五

車駕西遊因而有作

宣曲長楊瑞氣凝上林狐兔待秋鷹誰將詞賦倍

雕輦寂寞相如臥茂陵

傷溫德彝

昔年戎虜犯榆關一敗龍城匹馬還侯印不聞封

李廣他人丘壘似天山

贈少年

江海相逢客恨多秋風葉下洞庭波酒酣夜別淮

陰市月照高樓一曲歌

後

贈鄭徵君家匡山首春與丞相贊皇公遊止

一拋蘭棹逐燕鴻曾向江湖識謝公每到朱門還

悵望故山多在画屏中

前

夏中病店作

山鬼揚威正氣愁便辭珍簟襲狐裘西牕一夕悲

人事圓扇無情不待秋

題友人居

盡日松堂看画圖綺疏岑寂似清都若教煙水無

鷗鳥張翰何由到五湖

題李相公勅賜錦屏風

豐沛曾為社稷臣賜書名画墨猶新幾人同保山

河誓猶自栖栖九陌塵

蔡中郎墳

古墳零落野花春聞說中郎有後身今日愛才非

昔日莫拋心力作詞人

元處士池上

蓼穗菱叢思蟪蛄水螢江鳥滿煙蒲愁紅一片風

飛卿
前落池上秋波似五湖

華陰韋氏林亭

自有林亭不得閑
陌塵宮樹是非間
終南長一作
在茅簷外別向人間看
華山一作

寄裴生乞釣鈎

一隨菱棹謁王侯
深愧移文負釣舟
今日太湖風色好
却將詩句乞魚鈎

長安春晚二首

曲江春半日遲遲
正是王孫悵望時
杏花落盡不

歸去江上東風吹柳絲

又

四方無事太平年
萬象鮮明禁火前
九重細雨惹春色
輕染龍池楊柳煙

三月十八日雪中作

芍藥薔薇語早梅
不知誰是艷陽才
今朝領得春風意
不復饒君雪裏開

咸陽值雨

咸陽橋上雨如懸
萬點空濛隔釣船
還似洞庭春

水色晚雲將入岳陽天

彈箏人

天寶年中事玉皇曾將新曲教寧王
鈿蟬金鴈今零落一曲伊州淚萬行

瑤瑟怨

冰簟銀牀夢不成碧天如水夜雲輕
雁聲遠過

一作

向瀟湘去十二樓中月自明

題端正樹

路傍佳樹碧雲愁曾侍金輿幸驛樓
草木榮枯似

人事綠陰寂寞漢陵秋

渭上題三首

呂公榮達子陵歸萬古煙波遶釣磯
橋上一通名利迹至今江鳥背人飛

又

目極雲霄思浩然風帆一片水連天
輕橈便是東歸路不肯忘機作釣船

又

煙水何曾息世機暫時相向亦依依
所嗟白首磻

飛雁
四
溪
磬叟一下漁舟更不歸

經故翰林袁學士居

劍逐驚波玉委塵
謝安門下更何人
西州城外花千樹
盡是羊曇醉後春

題城南杜邠公林亭

時公鎮淮南自西蜀移節

卓氏壚前金線柳
隋家堤畔錦帆風
貪爲兩地分霖雨
不見池蓮照水紅

夜看牡丹

高低深淺一欄紅
把火慙勤遶露叢
希逸近來成

嬾病不能容易向春風

宿城南亡友別墅

水流花落歎浮生
又伴遊人宿杜城
還似昔年殘夢裏
透簾斜月獨聞鶯

過分水嶺

溪水無情似有情
入山三日得同行
嶺頭便是分頭處
惜別潺湲一夜聲

鄠杜郊居

槿籬芳援近樵家
壠麥青青一逕斜
寂寞遊人寒

食後夜來風雨送梨花

題河中紫極宮

昔年曾伴玉真遊每到仙宮卽是秋
曼倩不歸花落盡滿叢煙露月當樓

四皓

商於六里便成功一寸沉機萬古同
但得戚姬甘定分不應真有紫芝翁

贈張鍊師

丹溪藥盡變金骨清洛月寒吹玉笙
他日隱居無

訪處碧桃花發水縱橫

飛雁
六
汲古閣

溫庭筠詩
金荃集卷第五 終

金荃集目錄

第卷六卷

開成五年秋以抱疾郊野不得與鄉計偕至

王府將議遐適隆冬自傷秋病因書懷奉寄殿院

徐侍御察院陳李二侍御回中蘇端公鄆縣

韋少府兼呈袁郊苗紳李逸三友人一百韻

感舊陳情五十韻獻淮南李僕射 題翠

微寺二十韻過孔北海墓二十韻過華清宮二十韻洞戶二

十二韻

卷六目

金荃集目錄

卷六終

金荃集卷第六

開成五年秋以抱疾郊野不得與鄉計偕
 至王府將議遐適隆冬自傷因書懷奉寄
 殿院徐侍御察院陳李二侍御回中蘇端
 公鄆縣韋少府兼呈袁郊苗紳李逸^四三友
 人一百韻

逸足皆先路窮郊獨向隅頑童逃廣柳羸馬臥平
 蕪黃卷嗟誰問朱絃偶自娛鹿鳴皆綴士雌伏竟
 非夫采地荒遺野爰田失故都

予先祖國朝公相
 晉陽佐命食業於

飛卿

并汾也 亡羊猶博塞音塞 牧馬倦呼盧奕世參周祿承

家學魯需功庸留劔鳥銘戒在盤孟經濟懷良畫

行藏識遠圖未能鳴楚玉空欲握隋珠定為魚緣

木曾因兔守株五車堆縹帙三逕闔繩樞適與群

英集將期善價沽葉龍圖天矯燕鼠笑盧胡賦分

知前定寒心畏厚誣躡塵追慶忌操劔學班輸文

囿陪多士神州試大巫對雖希鼓瑟名亦濫吁竿

予去秋試京兆薦名居其副 正使猜奔競何嘗計有無劉 惓虛

訪覓王霸竟擲揄市義虛焚券關譏謾弃繻至言

今信矣微尚亦悲夫白雪調歌響清風樂舞雩脅

肩難黽勉搔首易嗟吁角勝非能者推賢見射乎

兕觥增恐竦杯水失錙銖粉朶收丹采金鶻隱僕

姑垂橐羞盡爵揚鱗辱彎弧虎拙休言畫龍希莫

學屠轉蓬隨欵段耘草闢墁莫干反 墟受業鄉名鄭

藏機谷號愚質文精等貫琴筑韻相須築室連中

野誅茆接上腴葦花綸虎落松癭鬪藥櫨靜語鸞

相對閑眠鶴浪俱藥多勞蝶翅香酷墜蜂鬚芳草

迷三島澄波似五湖躍魚翻藻荇愁鷺睡葭蘆暝

渚藏鴻鵠幽屏臥鷓鴣苦辛隨藝殖甘旨仰樵蘇
笑語空懷福窮愁亦據梧尚能甘半菽非敢薄生

芻釣石封蒼蘚芳蹊艷

絕一作

絳跗樹蘭畦繚繞穿

竹路縈紆機杼非桑女林園異木奴橫竿窺赤鯉

持翳望青鷗泮水思芹味瑯琊得稻租杖輕藜擁

腫衣破芟披敷芳意憂鴟鳩愁聲覺蟪蛄短簷喧

語燕高木墮飢飈事迫離幽墅貧牽犯畏途愛憎

防杜摯悲歎似楊朱旅食常過衛驕遊欲渡瀘塞

歌傷督護邊角思單于堡戍標槍樂關河鎖舳艫

威容尊大樹刑法避秋荼遠日窮千里歸心寄九

衢寢甘誠繫滯漿饋貴睢盱懷刺名先遠干時道

自孤齒牙頻激發登笈尚崎嶇蓮府侯門貴霜臺

帝命俞驥蹄初躡景鵬翅欲搏扶寓直迴驄馬分

曹對暝烏百神歆彷彿孤竹韻含胡鳳闕分班立

鷓行竦劍趨觸邪承密勿持法奉訐謨鳴玉鏘登

降銜牙響曳裙祀親和氏璧香近博山鑪瑞景森

瓊樹輕冰瑩玉壺多冠簪鐵柱螭首對金鋪內史

書千尋將軍画一厨眼明驚氣象心死伏規模豈

意觀文物何勞琢砭砭草肥牧驥曩苔澁淬昆吾
鄉思巢枝鳥年華過隙駒銜恩空抱影酬德未捐
軀時輩推良友家聲繼令圖致身傷短翮驥首顧
疲駑班馬方齊驚陳雷亦並驅昔皆言爾志今亦
畏吾徒有氣干牛斗無人辯轆轤客來斟綠蟻妻
試踏青蚨積毀方銷骨微瑕懼掩瑜蛇矛猶轉戰
魚服自囚拘欲就欺人事何能逭鬼誅是非迷覺
夢行役議秦吳凜冽風埃慘蕭條草木枯低徊傷
志氣蒙犯變肌膚旅雁唯聞叫飢鷹不待呼夢梭
拋促織心蠶學蜘蛛寧復機難料庸非信未孚激
揚銜箭虎疑懼聽冰狐處已將營窟論心一作若合符
浪言輝棗萼何所託葭葦喬木能求友危巢莫嚇
鷗風華飄領袖詩禮拜衾繻歆枕情何苦同舟道
放□懷親□蕙芷收迹異桑榆贈遠聊攀柳裁書
欲截蒲瞻風無限淚迴首更踟躕

感舊陳情五十韻獻淮南李僕射

嵇紹垂髫日山濤筮仕年琴樽陳席上壁紈綺拜牀
前鄰里纔三徙雲霄已九遷感深情儻况言發淚

潺湲憶昔龍圖盛方今鶴羽全桂枝香可襲楊葉
 舊頻穿玉籍標人瑞金丹化地仙賦成攢筆寫歌
 出滿城傳既矯排虛翅將持造物權萬靈思鼓鑄
 群品待陶甄視草絲綸出持綱雨露懸法行黃道
 內居近翠華遶書迹臨湯鼎吟聲接舜絃白麻紅
 燭夜清漏紫微天雷電隨神筆魚龍落綵牋閑宵
 陪雍時清暑在甘泉取介非持祿優游是養賢冰
 清臨百粵風靡化三川委寄崇推轂威儀壓控弦
 梁園提殼騎淮水換戎旃照日青油濕迎風錦帳

鮮黛蛾陳二八珠履列三千舞轉迴紅袖歌愁歛
 翠鈿滿堂開照耀分座儼嬋娟油額芙蓉帳香塵
 玳瑁筵繡旗隨影合金陣似波旋緹幕深迴平朱
 門暗接連彩虬蟠画戟花馬立金鞭有客將誰託
 無媒竊自憐抑揚中散曲漂泊孝廉船未展干時
 策徒拋負郭田轉蓬猶邈爾懷橘更潜然投足乖
 蹊逕冥心向簡編未知魚躍地空媿鹿鳴篇承京兆薦
名居稷下期方至漳濱病未痊二年抱疾不赴定
其副鄉薦試有司

草堂苔點點蔬圃水濺濺釣罷溪雲重樵歸澗月
 圓嬾多成宿疾愁甚似春眠木直終難怨膏明只
 自煎鄭鄉空健美陳榻未招延旅食逢春盡羈遊
 爲事牽宦無毛義檄婚乏阮脩錢苒弱營中柳披
 敷幕下蓮儻能容委質非敢望差肩澁劔猶堪淬
 餘朱或可研從師當鼓篋窮理久忘筌折簡能榮
 瘁遺簪莫弃捐韶光如見借寒谷變風煙

題翠微寺二十二韻

太宗昇
遐之所

邠土初成邑虞賓竟讓王乾符初得位天弩夜收

銜偃息齊三代優游念四方萬靈扶正寢千嶂抱
 重崗幽石歸階陞喬柯入棟梁火雲如沃雪湯殿
 似含霜澗籟添仙曲巖花借御香野麋陪獸舞林
 鳥逐鷁行鏡寫三秦色牕搖八水光問雲徵楚女
 疑粉試何郎蘭芷承雕輦杉蘿入画堂受朝松露
 曉頒朔桂煙涼嵐濕金鋪外溪鳴錦幄傍倚絲憂
 漢祖持璧告秦皇短景催風馭長星屬羽觴儲君
 猶問豎元老已登牀鶴蓋趨平樂雞人下建章龍
 髯悲滿眼螭首淚沾裳疊鼓嚴靈仗吹笙送夕陽

飛雅
六
斷泉辭劍珮昏日伴旗常遺廟青蓮在頽垣碧草
芳無因奏韶濩流涕對幽篁

過孔北海墓二十韻

撫事如神遇臨風獨涕零墓平春草綠碑折古苔
青珪玉埋英氣山河孕炳靈發言驚辨囿撝翰動
文星蘊策期千世持權欲反經激揚思壯志流落
歎頽齡惡木人皆息貪泉我獨醒輪轅無匠石刀
几有庖丁碌碌迷藏器規規守挈瓶憤容凌鼎鑊
公議動朝廷故國將辭寵危邦竟緩刑鈍工磨白

壁凡石礪青萍揭日昭東夏搏風滯北溟後塵遵
軌轍前席詠儀刑木秀當憂悴弦傷不底寧矜誇
遭斥鷃光彩困飛螢白羽留談柄清風襲德馨鸞
凰嬰雪刃狼虎犯雲屏蘭蕙荒遺址榛蕪蔽舊坰

輾轅近

一作遠

沂水何事戀明庭

過華清宮二十二韻

憶昔開元日承平事勝遊貴妃專寵幸天子富春
秋月白霓裳殿風乾羯鼓樓鬪鷄花蔽膝騎馬玉
搔頭繡轂千門妓金鞍萬戶侯薄雲欹雀扇輕雪

犯貂裘過客聞韶濩居人識冕旒氣和春不覺煙
暖霽難收澀浪涵瑤甃晴陽上綵旂卷衣輕髮嬾
窺鏡澹蛾羞屏掩芙蓉帳簾褰玳瑁鈎重瞳分渭
曲纖手指神州御案迷萱草天袍妬石榴深巖藏
浴鳳鮮隰媚潛虬不料邯鄲蟲俄成卽墨牛劔鋒
揮太皞旗焰拂蚩尤內嬖陪行在孤臣預坐籌瑤
簪遺翡翠霜仗駐驂騶艷笑雙飛斷香魂一哭休
早梅悲蜀道高樹隔昭丘朱閣重霄近蒼崖萬古
愁至今湯殿水嗚咽縣前流

洞戶二十二韻

洞戶連珠網方疏隱碧潯燭盤煙墜燼簾壓月通
陰粉白仙郎署霜清玉女砧醉鄉高窈窕基陣靜
悒悒素手琉璃扇玄髻玳瑁簪昔邪看寄迹梔子
詠同心樹列千秋勝樓懸七夕針舊詞翻白紵新
賦換黃金唳鶴調蠻鼓驚蟬應寶琴舞疑繁易度
歌轉斷難尋露委花相妬風欹柳不禁橋彎雙表
迥池漲一篙深清蹕傳恢囿黃旗幸上林神鷹參
翰苑天馬破蹄涔武庫方題品文園有一作好音

朱莖殊茵蠹丹桂欲蕭森黼帳迴瑤席華燈對錦
 衾一作畏畫圖驚走一作畏獸書帖得來禽河曙秦樓映山
 晴魏闕臨綠囊逢趙后青鎖見王沉任達嫌孤憤
 疎慵倦九箴若爲南遁客猶作臥龍吟

温庭筠詩
 金荃集卷第六 終

金荃集目錄

卷七卷

送洛陽李主簿南 巫山神女廟 地脉山春

日 題陳處士幽居 握柘詞 題盧處士

居 初秋寄友人 題豐安里王相林亭 首二

早秋山居 和友人盤石寺逢舊友 送

人南遊 贈鄭處士 江岸卽事 贈隱者

渚宮晚春寄秦地友人 碧澗驛曉思

送并州郭書記 贈越僧岳雲 首二 詠山鷄

清且題採藥翁草堂尊 商山早行 題竹

谷神祠 途中有懷 經李處士杜城別業

登李羽士東樓 題僧泰恭院二首 西遊

書懷 送人東遊 寄山中友人 偶題

贈考功盧郎中 題蕭山廟 春日寄岳州

事員外二首 和段少常柯古 海榴 李先

生別墅望僧舍寶刹有因作雙韵聲 敷水小

桃盛開因作

金荃集目錄卷七終

金荃集卷第七

送洛南李主簿

想君秦塞外應因見楚山青 榭葉曉迷路 枳花春滿

庭祿優仍侍膳官 散得專經子 敬懷愚谷歸心在

翠屏

巫山神女廟

黯黯閉宮殿 霏霏陰薜蘿 曉峯眉上色 春水臉前

波古樹芳菲盡 扁舟離恨多 一叢斑竹夜環珮 響

如何

地肺山春日

冉冉花明岸
涓涓水遶山
幾時拋俗事
來笑白雲閑

題陳處士幽居

松軒塵外客
高枕自蕭疎
雨後苔侵井
霜來葉滿渠
閑看鏡湖畫
秋得越僧書
若待前溪月
誰人伴釣魚

握柘詞

楊柳縈橋綠
玫瑰拂地紅
繡衫金騾裏
花髻玉瓏

總宿雨香
潛潤春流水
暗通畫樓初
夢斷曉日照
湘風

題盧處士山居

西溪問樵客
遙識一作楚人家
古樹老連石
急泉

清露沙千峯
隨雨暗一逕
入雲斜日暮
飛鴉散滿山
麩麥花

初秋寄友人

閑夢正悠悠
涼風生竹樓
夜琴知欲雨
曉簟覺新秋
獨鳥楚山遠
一蟬關樹愁
憑將離別恨
江外問

同遊

題豐安里王相林亭

二首公明太玄紅

花竹有薄埃嘉遊集上才
白蘋安石渚紅葉子雲臺
朱戶雀羅設黃門馭騎來
不知淮水濁丹藕爲誰開

又

偶到烏衣巷含情更惘然
西州曲堤柳東府舊池蓮
星坼悲元老雲歸送墨仙
誰知濟川楫今作野人船

早秋山居

山近覺寒早草堂霜氣晴
樹凋牕有日池滿水無聲
果落見猿過葉乾聞鹿行
素琴機慮靜空伴夜泉清

和友人盤石寺逢舊友

楚寺上方宿滿堂皆舊遊
月溪逢遠客煙浪有歸舟
江館白蘋夜水關紅葉秋
西風吹暮雨汀草更堪愁

送人南遊

送君遊楚國江浦樹蒼然沙淨有波跡岸平多草
煙角悲臨海郡月到渡淮船唯以一杯酒相思高
楚天

贈鄭處士

飄然隨釣艇雲水是天涯紅葉下荒井碧梧侵古
槎醉收陶令菊貧賣邵平瓜更有相期處南籬一
樹花

江岸卽事

水容侵古岸峯影度青蘋廟竹唯聞鳥江帆不見
人雀聲花外暝客思柳邊春別恨轉難盡行行汀
草新

贈隱者

茅堂對薇蕨爐暖一裘輕醉後楚山夢覺來春鳥
聲採茶溪樹綠煮藥石泉清不問人間事忘機過
此生

渚宮晚春寄秦地友人

風華已眇然獨立思江天鳧鴈野塘水牛羊春草
煙秦原曉重疊灞浪夜潺湲今日思歸客愁容在

鏡懸

碧澗驛曉思

香燈伴殘夢
楚國在天涯
月落子規歇
滿庭山杏花

送并州郭書記

賓筵得佳客
侯印有光輝
候騎不傳箭
迴文空上

機塞城收塵牧馬去
烽火射鷓歸
惟有嚴家瀨
回環逕

草微

贈越僧岳雲二首

世機消已盡
巾履亦飄然
一室故山月
滿瓶秋澗

泉禪菴過微雪
鄉寺隔寒煙
應共白蓮客
相期松

桂前

又

蘭亭舊都講
今日意如何
有樹關深院
無塵到淺

莎僧居隨處
好人事出門
多不及新春
雁年年鏡

水波

詠山鷄

萬壑動晴景
山禽凌翠微
繡翎翻草去
紅嘴啄花

歸巢煖碧雲色影孤清鏡輝不知春樹伴何處又
分飛

清旦題採藥翁草堂

幽人尋藥逕來自曉雲邊衣濕木花雨語成松嶺
煙解藤開澗戶踏石過溪泉林外晨光動山昏鳥
滿天

商山早行

晨起動征鐸客行悲故鄉雞聲茆店月人迹板橋
霜槲葉落山路枳花明驛牆因思杜陵夢鳧雁滿

迴塘

題竹谷神祠

蒼蒼松竹晚一逕入荒祠古樹風吹馬虛廊日照
旗煙煤朝奠處風雨夜歸時寂寞東湖客空看蔣
帝碑

途中有懷

驅車何日閑擾擾路岐間歲暮自多感客程殊未
還亭臯汝陽道風雪穆陵關臘後寒梅發誰人在
故山

經李處士杜城別業

憶昔幾遊集今來倍歎傷
百花情易老一笑事難
忘白杜已蕭索青樓空
艷陽不開雲雨夢猶欲
過
高唐

登李羽士東樓

經客有餘音他年終故林
高樓本危睇涼月更傷
心此意竟難拆伊人成
古今流塵其可欲非復
懶
鳴琴

題僧泰恭院 二首

昔歲東林下深公識姓名
爾來辭半偈空復歎勞
生憂患慕禪味寂寥遺
世情所歸心自得何事
倦
塵纓

又

微生竟勞止晤言猶是非
出門還有淚看竹暫忘
機爽氣三秋近浮生一
笑稀故山松菊在終欲
掩
荆扉

西遊書懷

渭川通野戍有路上桑乾
獨鳥青天暮驚麈赤燒

弄壺
殘高秋辭故國昨日夢長安客意自如此非關行
路難

送人東遊

荒戍落黃葉浩然離故關高風漢陽渡初日郢門
山江上幾人在天涯孤棹還何當重相見尊酒慰
離顏

寄山中友人

惟昔有歸趣今茲固願言嘯歌成往事風雨坐涼
軒時物信佳節歲華非故園固知春草色何意爲

王孫

偶題

孔雀眠高閣櫻桃拂短簷画明金冉冉箏語玉纖
纖細雨無妨燭輕寒不隔簾欲將紅錦段因夢寄
江淹

贈考功盧郎中

白首方辭滿荆扉對渚田雪中無陋巷醉後似當
年一笈負山藥兩瓶攜澗泉夜來風浪起何處認
漁船

題蕭山廟

故道木陰濃荒祠山影東杉松一庭雨幡蓋滿堂
風客莫曉莎濕馬嘶秋廟空夜深迳山歇龍入古
潭中

春日寄岳州李員外二首

苒弱樓前柳輕空花外牕蝶高飛有伴鶯早語無
雙剪勝裁春字開屏見曉江從來共情戰今日欲
歸降

又

從小識賓卿恩深若弟兄相逢在何日此別不勝
情紅粉座中客綵旂江上城尚平婚嫁累無路逐
雙旌

和段少常柯古

稱觴慙座客客懷刺即門人素尚寧知貴清談不厭
貧野梅江上晚堤柳雨中春未報淮南詔何勞問

白蘋

海榴

海榴開似火先解報春風葉亂裁牋綠花宜插鬢

紅蠟珠攢作帶細綵剪成叢鄭驛多歸思相期一笑同

李先生別墅望僧舍寶刹因作雙韻聲

棲息消心象簷楹溢灑陽簾櫳蘭露落鄰里柳林涼高閣過空谷孤竿隔古崗潭廬同淡蕩髮髯復芬芳

敷水小桃盛開因作

敷水小橋東娟娟照露叢所嗟非勝地堪恨是春風二月艷陽節一枝惆悵紅定知畱不住吹落路

及至桃花發回題
病眼逢春四壁空夜來山
雪破東風未知玉母千年
孰且共劉郎一笑同已落
又開橫晚翠似無如有帶
朝紅僧度蠟炬高千尺
莫惜連宵照露叢

塵中
一本缺
後四句

溫庭筠詩集卷第七終

金荃別集目錄

寄山中人 送淮陰孫令之官 宿輝公精

舍 旅泊新津却寄一二知己 贈僧雲栖

雪夜與友生同宿曉寄近隣 題造微禪

師院 正見寺曉別生公 旅次盱眙縣

鄆郊別墅寄所知 京兆公池上作 盧氏

池上遇雨贈同遊者 嘲春風 詠春幡

春日 題薛昌之所居 東歸有懷 休澣

日西掖謁所知 博山香爐 送盧士遊吳

越西過新豐 過潼關 題西平王舊賜屏

風日河中陪帥遊亭 和趙嘏題岳寺 賄

釣叟騫生 蘇武廟 送客偶作 寒食前

有懷 宿雲際寺 寄岳州李員外遠遊南

塘寄知者 寄盧生 春日訪李十四處宿

松門寺 詠寒宵 寄渚宮遺民弘里生

寄裴生 乞釣釣 春日 洛陽 題賀知章

故居 雨中與李先生期垂釣先後相失因作

金荃別集目錄 終

金荃別集

寄山中人

月中一雙鶴 石上百尺松 素琴入爽籟 山酒和春

容幽瀑有時 斷片雲無所從 何事蘇門生 攜

手東南峯

送淮陰孫令之官

隋堤楊柳煙 孤棹正悠然 蕭寺通淮戍 蕪城枕楚

壩魚鹽橋上市 燈火雨中船 故老青葭岸 先知處

子賢

宿輝公精舍

禪房無外物清話此宵同林彩水煙裏澗聲山月中
橡霜諸壑霽杉火一爐空擁褐寒更徹心知覺
路通

旅泊新津却寄一二知己

維舟息行役霽景近江村併起別離恨似聞歌吹
喧高林月初上遠水霧猶昏王粲平生感登臨幾
斷魂

贈僧雲栖

塵尾與筇杖幾年離石壇梵餘林雪厚碁罷岳鐘
殘開^卷喜先悟漱餅知早寒衡陽寺前雁今日到
長安

雪夜與友生同宿曉寄近鄰

閉門群動息積雪透疎林有客寒方覺無聲曉已
深正繁聞近雁併落起棲禽寂寞寒塘路憐君獨
阻尋

題造微禪師院

夜香聞偈後岑寂掩雙扉照竹燈和雪看松月到

飛卿
衣草堂疎磬斷江寺故人稀唯憶湘南雨春風獨
鳥歸

正見寺曉別生公

清曉盟秋水高牕留夕陰初陽到古寺宿鳥起寒
林香火有良願宦名非素心靈山緣未絕他日重
來尋

旅次盱眙縣

離離麥擢芒楚客意偏傷波上旅愁起天邊歸路
長孤橈投楚驛殘月在淮檣外杜三千里誰人數

雁行

鄆郊別墅寄所知

持願望平綠萬景集所思南塘遇新雨百草生容
姿幽鳥不相識美人如何期徒然委搖蕩惆悵春
風時

京兆公池上作

稻香山色疊平野接荒陂蓮折舟行遠萍多釣下
遲壞堤泉落處涼簟雨來時京口兵堪用何因入
夢思

嘲春風

春風何處好別殿饒芳
草冉冉轉鸞旌嫩
吹雄葆揚芳歷九門
滄蕩入蘭蓀爭奈白團
扇時時偷玉思

詠春幡

閒庭見早梅花影為
誰裁碧烟隨刃落蟬
鬢覺春來代郡嘶金
勒河陽悲鏡臺玉釵
風不定香步獨徘徊

春日

柳閣杏花稀梅果乳
燕飛美人鸞鏡笑嘶
馬雁門歸楚宮雲影
薄臺城心賞遠從來
千里恨邊色滿戎衣
一作成

盧氏池上遇雨贈同遊者

簾翻涼氣集溪上潤殘
碁萍皺風來後荷喧雨
到時寂寥閑望久飄灑
獨歸遲無限松江恨煩
君解釣絲

題薛昌之所居

所得乃清曠寂寥常掩
關獨來春尚在相得暮
方還花白風露晚柳青
街陌閑翠微應有雪牕
外見南山

東歸有懷

晴川遍野陂此地昔傷
離一去迹常在獨來心
自知鷺眠茭葉折魚靜
蓼花垂無限高秋淚扁
舟極路岐

休澣日西掖謁所知

赤墀高閣自從容玉女
牕扉報曙鐘日麗九門
青鎖闥雨晴雙闕翠微
峯毫端蕙露滋仙草琴
上薰風入禁松荀令鳳
池春曉晚好將餘潤變
魚龍

博山

博山香重欲成雲錦段
機絲妬鄂君粉蝶團飛
花

轉影彩鴛雙泳水生紋青樓二月春將半碧瓦千
家日未曛見說楊朱無限淚豈能空爲路岐分

送盧處士遊吳越

羨君東去見殘梅唯有王孫獨未迴吳苑夕陽明
古堞越宮春草上高臺波生野水雁初下風滿驛
樓潮欲來試逐漁舟看雪浪幾多江燕荇花開

過新豐

一劍乘時帝業成沛中鄉里到咸京寰區已作皇
居賚風月猶含白社情泗水舊亭春草徧千門遺

瓦古苔生至今留得離家恨雞犬相聞落照明

過潼關

地形盤屈帶河流景氣澄明是勝遊十里曉雞關
樹暗一行寒雁隴雲愁片時無事溪泉好盡日凝
眸岳色秋塵尾角巾應曠望更嗟芳靄隔秦樓

題西平王舊賜屏風

曾向金屏玉砌來百花鮮濕隔塵埃披香殿下櫻
桃熟結綺樓前芍藥開朱鷺已隨新鹵簿黃鸝猶
濕舊池臺世間剛有東流水一送恩波更不迴

河中陪帥遊亭

倚闌愁立獨徘徊欲賦慙非宋玉才滿座山光搖
劍戟繞城波色動樓臺鳥飛天外斜陽盡人過橋
心倒影來添得五湖多少恨柳花飄蕩似寒梅

和趙嘏題岳寺

疎鐘細響亂鳴泉客省高臨似水天嵐翠暗來空
覺潤潤茶餘爽不成眠越僧寒立孤燈外岳月秋
當萬木前張邴宦情何太薄遠公牕外有池蓮

蘇武廟

蘇武魂銷漢使前古祠高樹兩茫然雲邊雁斷胡
天月隴上羊歸塞草煙迴日樓臺非甲帳去時冠
劍是丁年茂陵不見封侯印空向秋波哭逝川

客送偶作

石路荒涼接野蒿西風吹馬利如刀小橋連驛楊
柳晚廢寺入門禾黍高雞犬夕陽喧縣市鳧鷖秋
水曝城壕故山有夢不歸去官樹陌塵何太勞

寒食前有懷

萬物鮮華雨乍晴春寒寂歷近清明殘芳荏苒雙

貽鈞叟憲生

晴江如鏡月如鈞泛灩澦蒼茫送客愁夜淚潛生竹枝曲春灘遙上木蘭舟事隨雲去身難到夢逐煙銷水流昨日歡娛竟何在一枝梅謝楚江頭

飛蝶曉睡朦朧百轉鶯舊侶不歸成獨酌故園雖
在有誰耕悠然更起嚴灘恨一宿東風蕙草生

宿雲際寺

白蓋微雲一逕深東峰弟子遠相尋蒼苔路熟僧
歸寺紅葉聲乾鹿在林高閣清香生靜境夜堂疎
磬發禪心自從紫桂巖前別不見南能直至今

寄岳州李員外郎遠

含頰不語坐持願天遠樓高宋玉悲湖上殘棊人
散後岳陽微雨鳥來遲早梅猶得迴歌扇春水還

應理釣絲獨有袁宏正憔悴一罇惆悵落花時

遊南塘寄知者

白鳥梳翎立岸莎藻花菱刺泛微波煙光似帶侵
垂柳露點如珠落卷荷楚水曉涼催客早杜陵秋
思傷蟬多鑿鏘公不信歸心切聽取江樓一曲歌

寄盧生

遺業荒涼近故都門前堤路枕平湖綠楊陰裏千
家月紅藕香中萬點珠此地別來雙鬢改幾時歸
去片帆孤他年猶擬金貂換寄語黃公舊酒壚

春日訪李十四處士

花深橋轉水潺潺
角里先生自閉關
看竹已知行處好
望雲空得暫時閑
誰言有策堪經世
自是無錢可買山
一局殘碁千點雨
綠萍池上暮方還

宿松門寺

白石青崖世界分
卷簾孤坐對氛氲
林間禪室春深雪
潭上龍堂夜半雲
落月蒼涼登閣在
曉鐘搖蕩隔江聞
西山舊是經行地
願漱寒銚逐領軍

詠寒宵

寒宵何取取良讌
有餘姿寶靺徘徊
處熏鑪悵望時曲瓊
垂翡翠斜月到呆恩
委墜金缸燼闌珊
玉局碁話窮猶注
睇歌罷尚持頤
掩暖遙相屬氛氲
積所思秦蛾卷衣
晚胡雁度雲遲
上郡歸來夢那知
錦字詩

寄渚宮遺民弘里

柳弱湖堤曲籬疎
水巷深酒闌初促
席歌罷欲分襟波月
欺華燭汀雲潤故
琴鏡清花並蒂牀
冷簟連心荷疊平
橋暗萍稀敗舫沉
城頭五通鼓窓外

飛雅 八
萬家砧異縣魚投浪當年鳥共林八行香未滅千
里夢難尋未肯睽良願空期嗣好音他時因詠作
猶得比南金

春盡與友人入裴氏林探漁竿

一逕互紆直茅棘亦已繁晴陽入荒竹曖曖如春
園倚杖息慚倦徘徊戀微暄歷尋嬋娟節翦破蒼
葦根地閉修莖孤林振餘籜翻適心在所好非必
尋湘沅

春日

問君何所思迢遞艷陽時門靜人歸晚牆高蝶過
遲一雙青瑣燕千萬綠楊絲屏上吳山遠樓中朔
管悲寶書無寄處香轂有來期草色將林彩相添
入黛眉

洛陽

鞏樹先春雪滿枝上陽宮柳轉黃鸝桓譚未便忘
西笑豈爲長安有鳳池

題賀知章故居疊韻作

廢砌翳薜荔枯湖無菰蒲老媪飽藁草愚儒輸逋

租

雨中與李先生期垂釣先後相失因作疊韻

隔石覓屐跡西溪迷雞啼小鳥擾曉沼犁泥齊低

蛙

黃曇子歌

參差綠蒲短搖艷雲

一作春

塘滿紅潏蕩融融鶯翁

鷓鴣暖萋芊小成路馬上修蛾懶羅衫裊回風點

粉金鸚卵

二唐宮素花紅似沙道王抄宋
許並初南甫

江表集



2